

**Uunga siunnersuut: Utoqqalinersiaqarneq pillugu Inatsisartut inatsisaata
allanngortinnissaa pillugu Inatsisartut inatsisaat nr. xx, xx. xxx 2019-imeersoq.**
(Utoqqalinersianik ikilisitsisoqartinnagu aningaasanik innuttaasup akissarsiarisinnaasaanik
qaffaaneq)

pillugu

Ilaqtariinnermut Peqqissutsimullu Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini makku ilaasortarai:

Inatsisartunut ilaasortaq Mala Høy Kúko, Siumut, siulittaasoq
Inatsisartunut ilaasortaq Stine Egede, Inuit Ataqtigiit, siulittaasup tullia
Inatsisartunut ilaasortaq Anna Wangenheim, Demokraatit
Inatsisartunut ilaasortaq Aqqa Samuelsen, Inuit Ataqtigiit
Inatsisartunut ilaasortaq Karl-Kristian Kruse, Siumut
Inatsisartunut ilaasortaq Malene Vahl Rasmussen, Demokraatit
Inatsisartunut ilaasortaq Mikivsuk Thomassen, Inuit Ataqtigiit

UKA2019-mi ulloq 25. september 2019-imi siullermeerinerup kingorna ataatsimiititaliap
siunnersuut misissorpaa.

1. Siunnersuutip imarisaa siunertaalu

Utoqqalinersiat tapiinut ilanngaatiq qaffaneqarnissaanik kiisalu appariartortitsinermi
procentip annikillisinneqarnissaanik siunnersuummi siunertarineqarpoq. Utoqqalinersiallit suli
sulisinnaasut utoqqalinersiaasa appariartortinneqannginnerini annertunerusumik
aningaasarsiaqalernissaasa qulakkeerneqarnissaa siunertaavoq. Utoqqalinersiallit
utoqqalinersiaminnit ilanngaaneqaratik utoqqalinersiaat 100.000 kr.-inik
annertusineqassapput.

Tamatuma saniatigut appariartortitsinermi procenti annikillisinneqassaaq, taamaaliornikkut
maannamut aaqqissuussinnermut sanilliullugu utoqqalinersialinnut ilanngaatigineqartartoq
annikinnerulersinnaaqullugu.

2. Tusarniaanermi akissutit

Siunnersuummik matuminnga suliaqarnerminut atugassaminik tusarniaanermi
akissutigineqartunik tunniunneqarsimasunik ataatsimiititaliaq pissarsivoq. Inatsisissatut
siunnersuummik tunniussinerup peqatigisaanik tusarniaanermi akissutigineqartut
iluserisassaattut Siulittaasoqarfiup Inatsisartunut piumasaqaatitut aalajangersagaanut
naapertuuttut Inatsisartut Allattoqarfianut nassiuunneqartussaammata Naalakkersuisunut
ataatsimiititaliamit eqqaasitsissutigineqassaaq.

Kattuffiit arlaqartut tusarniaanermi akissuteqarnissamut kaammattorneqarsimangitsut ataatsimiititaliamit maluginiarneqarpoq. Kattuffiit ilaasortaat inatsisissatut siunnersuummi matumani pineqarsinnaammata taakku aamma tusarniarneqarnissaat pissusissamisoortoq ataatsimiititaliaq isumaqarpoq. Tamanna tunngavigalugu NPK, IMAK, ASG, PPK aamma AK ilassutaasumik tusarniaavigipallanneqarnissaat pillugu Naalakkersuisut ataatsimiititaliamit qinnuigineqarput. Taama qinnuteqarneq Naalakkersuisut akueraat, siunnersuullu pillugu tusarniaaneq ulloq 14. oktober 2019-imiit ulloq 18. oktober 2019-mut ingerlanneqarluni. Tamanna pillugu ataatsimiititaliap Naalakkersuisut qutsavigai.

Tusarniaagasuarneq piffissami killilimmi ingerlanneqarsimasoq ataatsimiititaliamit maluginiarneqarpoq, sivitsorneqarsimallunili. Tamanna ataatsimiititaliamit pitsaasutut isumaqarfigineqarpoq, taamaaliornikkummi tusarniarneqartunit inatsisissatut siunnersuutigineqartup paasilluarneqarnissaa oqaaseqaatiminnillu nassiussinissaminnut periarfissaqassammata.

Tusarniaagasuarnermut atatillugu tusarniaanermi akissutigineqartut pillugit ataatsimiititaliaq Naalakkersuisunit ilisimatinneqarpoq (Ilanngussaq 3).

3. Apeqqutit

Ataatsimiititaliap siunnersuummik suliaqarnerminut atatillugu apeqqutit arlaqartut akineqarnissaat siunertaralugu Isumaginninnermut Inatsisinillu Atuutsitsinnermut Naalakkersuisoq ataatsimiititaliamit qinnuigineqarpoq. Ataatsimiititaliap apeqquteqaatai Naalakkersuisullu akissuteqaatai isumaliutissiisummi matumani ilanngussaq 1-itut aamma 2-3-tut ilanngunneqarput.

4. Siunnersuummik ataatsimiititaliap suliarinninnera

Utoqqalinersiallinit ilaatigut ineqarnermut tapiissutisisartunut aaqqissuussineq qanoq kinguneqassanersoq siunnersuutip siullermeerneqarnerani apeqqutigineqarpoq. Apeqqut taanna ulloq 11. oktober 2019-imi Isumaginninnermut Inatsisinillu Atuutsitsinnermut Naalakkersuisumi ataatsimiinnermi eqqartorneqarpoq. Ataatsimiinnermi tassani utoqqalinersiallinit ineqarnermut tapiissutisisartunut aningaasatigut kingunerisassat ataatsimiititaliamut paasissutissiissutigineqarput.

Utoqqalinersiallit kisimiittut meerartaqanngitsut ukiumut annerpaamik 156.000 kruuninik aningaasarsiallit ineqarnermut tapiissutisisinnaajunnaassapput. Aappariit utoqqalinersiallit annerpaamik 183.000 kruuninik aningaasarsiallit ineqarnermut tapiissutisiaqarneq ajornerat ingerlaannassaaq.

Utoqqalinersiallit kisimiittut aappariilluunniit meeqqanillu angerlarsimaffimmini najugaqartuutillit annerpaamik killigititaq tikillugu isertitaat qaffassimappata ineqarnermut tapiissutisiaat annikilliartulissapput.

Ukiut pingasut qaangiuppata aaqqissuussineq Naalakkersuisut nalilersorniarmassuk ataatsimiititaliamit maluginiarneqarpoq. Tamanna ataatsimiititaliamit naapertuuttutut isumaqarfigineqarpoq, aaqqissuussinerup kissaatigineqartutut qanoq annertutigisumik sunnuteqarsimanerata misissorneqarnissaa naliliinnermi periarfissaqassammat.

Inersuarmi oqallinneq tunngavigalugu utoqqalinersiaqartut sulisinnaasut kisimik

sammineqarneranni unammilligassat ataatsimiititaliami oqaluuserineqarput. Utoqqalinersiallit assigiiaartuunngillat. Inuit unammilligassallit, sulisinnaanngitsut taamaalillutik utoqqalinersiamik saniatigut tapertassaminnik isertitaqarsinnaanngitsut. Taamatuttaaq inuit 60-t sinnerlugit ukiullit Danmarkimut nuuttartut amerliartuaartut unammillernartortaqrpoq¹. Tamatumunnga pissutaasoq ersarissumik nassuiarneqarsimanngilaq, Danmarkimili inuuniarnikkut aningaasartuutaasartut utoqqalinersiallu qaffasinnerulaarneri tunngavigalugit utoqqaat Kalaallit Nunaanniit nuuttarnerannut peqqutaqataanerat assortorneqarsinnaanngilaq.

Kalaallit utoqqalinersiallit sulisinnaajunnaarsimasut siunissami Kalaallit Nunaanni naammaginatsumik inuussappata ataatsimiititaliap paasinninnera naapertorlugu tunngaviusumik pensionisiat qaffanneqarsinnaaneri pillugit periarfissanik misissuisoqartariaqrpoq. Utoqqarnut tamanut atugassarititaasut pitsanngorsaataasunik suliniutinik Naalakkersuisut aallartitseqqullugit ataatsimiititaliamit kaammattorneqarput.

Aammattaq soq kalaallit taama amerlatigisut Danmarkimut nuuttarnersut ukiup aallartinnerani IMAK-mi ilaasortanit pensionisialinnit misissorneqarnissaa ilaatigut politikernut kaammattuutigineqarpoq². Taama paasisaqarneq kalaallit Kalaallit Nunaanniit nuuttannginnissaannut qulakkeerisumik naalakkersuinikkut sulinermi aaqqiissutissanik ilusileeqataasinnaavoq.

5. Siunnersuutip aningaasatigut kingunerisassai

Siunnersuutip piviusunngortinneqarneratigut aningaasatigut kingunerisassai siunnersuummut oqaaseqaatini nalinginnaasuni allaaserineqarput. Ukiumut aningaasartuutaanerusussat ilanngaateqanngitsumik 23,3 mio. kr.-iunissaat allanneqarsimavoq. Aningaasartuutit amerleriaataasa ilaat akileraarutitigut uteqqissapput, taamaalilluni ilanngaattissat ilanngaatigereerlugit aningaasartuutit 13,5 mio. kr.-iussasut missingersorneqarluni.

6. Ataatsimiititaliap inassuteqaataa

Ataatsimiititaliami **amerlanerussuteqartut** Siumukkunneersut Demokraatineersullu siunnersuutip **akuersissutigineqarnissaa** inassutigaat.

Ataatsimiititaliami ikinnerussuteqartut Inuit Ataqtigiinni ilaasortat siunnersuut pillugu ima oqaaseqaateqassapput:

Utoqqaat saniatigut sulinerikkut aningaasatigut iluaquserneqalernerat akerlerinatigu suli oqaloqataaffigissavarput. Utoqqalinersiat tunngaviusumik aaqqiivigineqarlutillu aningaasartaasa qaffanneqarnissaat siunnersuutip sammisatta siullermeerneqarnerani partiinit tamanit piumasaqaatigineqartoq Inuit Ataqtigiinniit attapparput. Utoqqaat utoqqalinersiaat massakkut aaqqiiviginiarneqarnerat tassaavoq utoqqalinersiat "ikiorsiissutaasut" saniatigut utoqqaat sulisinnaasut sulinerikkut isertitaqarsinnaanerata

¹ <http://www.stat.gl/dialog/main.asp?lang=kl&sc=GD&subthemecode=O1&colcode=O&version=201901> Tabel 2

² <https://sermitsiaq.ag/kl/soraarnerit-oqariartuuteqartutnuuttarneq-ernumanarpoq>

annertusineqarnissaannik periarfissiisusaaq. Utoqqaat sulinerup silarsuaani kivitseqataalluarsimallutik eqqissillutik utoqqalinissaminnik siunnerfeqartut, timimut nungullarnartumik suliffeqarsimasut, sumiiffinni suliffissaaleqiffiusuniittut, illoqarfinniittut nunaqarfinniittullu inuussutissarsiorfissaaleqiffiusuni matumani iluaquserneqassanngillat.

Allatut oqaatigalugu utoqqaat ataatsimut tamarmik inuttut naligiittut isigalugit aningaasatigut atukkamikkut aaqqiiviginiarneqanngillat. Tamanna Inuit Ataqtigiinniit uggornarluinnartut isigaarput. Partiit siorna aningaasanut inatsisissamut isumaqtigiissuteqarsimasut, siunnersuummut uunnga saqqummiunneqannginnerani aamma isumaqtiginninniaqataasut tamarmik neriorsuutertik eqqortinngilaat, utoqqaallu ilaannai sulinermikkut isertitaqarnerulernissaat kisiat akissaqarfiginiarsaraat, utoqqaat sinneri akissaqarfiginagit. Taamatut inissittoqarnera Inuit Ataqtigiinniit naliliissagutta utoqqarnut siunissamilu utoqqalinersiaqalersussanut qoqassiinertut nalilerparput. Utoqqarnut neriorsuutigineqartut Siumumit, Demokraatinit aamma Nunatta Qitornaaniit eqquutsinneqanngillat. Imaappoq, oqaatsit pisuusaarnerinnaasimapput qineqqsaarutaasut.

Inuit Ataqtigiinniit kissaatigigaluaqaarput utoqqaat utoqqalinersiaat malunnaatilimmik qaffassasut. Nunatsinni utoqqanngortoq kinaluunniit inuiaqtigiinniit qujaniarfigineqassasoq kissaatigaarput. Utoqqartatsinnut qujaniarnerput tassaasariaqarpoq utoqqarnut atugarissaartitsisoq, aamma aningaasatigut inuuniarnikkullu atukkatigut. Tamannalu naalakkersuisooqtigiit suleqataasalu Demokraatit itigartippaat. Utoqqarnut aningaasaliiniarnerput akissaqarfigerusupparput. Naalakkersuisooqtigiimmi Demokraatillu oqarput nunarput aningaasaateqarluartoq. Utoqqaalli pineqalermata akissaqarfigiومانagit aningaasaliiumannginnerat tupinnartuliat angisuut ilagaat. Tupinnartuliammi massakkut naalakkersuisooqtigiinni Demokraatinilu pilersinneqartut ikigisassaajunnaareersut massakkut ataatsimik ilaqqipput.

Naalakkersuisooqtigiit sanaartugassanut aningaasalersuerujussuarnerat meeqqat inuusuttullu, ilami inuit pissakinnerit ikiortariaqartullu akilersorpaat. Taakkuupput inuttut atukkamikkut unammilligassaqarnerpaat, kisianni sanaartukkanut kusanartunut akisoorsuarnut akileeqaatasussat, naak akissaatimikkut unamminartorsioraluaqalutik. Politikikkut partiit saamerliusutut inissisimasut talerperliusunit aqunneqartut amerlanerugaluaqalutik ”nukilaannerunerannut” una siunnersuut takussutissaavoq.

Sooq utoqqalinersiat qaffassinnaanngilagut utoqqartavut pitsaanerusumik inuuneqaqqullugit? Sooq aningaasaliiniannngilagut utoqqalinersiat qaffallugit? Nioqqutissat akii qaffapput. Aasap ingerlanerinnaani - Innaallagissamut akit qaffapput; Orsussamut akit qaffapput; aamma angalaniarnikkut akit akitsuutitigut qaffapput. KNI A/S 80 mio. kr.-inik sipaarfigalugu isorliunerusuni inuuniarnikkut atukkat akitigut eqqorneqassapput. Allatut oqaatigalugu nunatsinni inuit inuuniarnerat akigalugu naalackersuisooqatigiit Demokratitillu aqutsilernerat tupinnaqaaq. Siunnersuummi matumani Inuit Ataqtigiit utoqqartatta atugaat aqqikkusukkaluaqaagut.

Utoqqaat utoqqalinersiat saniatigut isertitaqarnerulernissaat akerlerinngilarput. Tunngavisumilli utoqqalinersiat aamma utoqqartavut tamaasa eqqarsaatigalugit aaqqiisoqarnissaa angorusukkaluaqaarput, partiilli tassunga peqataajumanngitsut amerlanerussuteqarmata ikinnerussuteqarfigisatsinnik. Tamanna utoqqartatsinnut qoqassiineq akuerineqarsinnaanngilaq, neriulussinnartitsineruvoq qineqqusaarutaannaasimasoq.

Naalackersuisooqatigiit Demokratitillu utoqqartatsinnut tamakkiisumik aaqqiiniannginnerat pillugu Inuit Ataqtigiit ikinnerussuteqarluta oqaaseqaaterput saqqummiupparput. Uggornaqaaq utoqqartatta atugaat, aningaasarsiaat inuuniarnikkullu akinut qaffakkiartuinnartunut malinnaatinneqalernissaat Siumup, Demokratitillu kiisalu Nunatta Qitornaasa itigartimmassuk. Akissaqarluartut inuuniarnerat akissaatikittut sipaarniarfigalugit aningaasarsiornikkut matussusiisaqattaarnej Inuit Ataqtigiit anersaarinnngilarput.

Isumaliutissiisummittaaq ersarissarneqarpoq utoqqartagut uani pitsanngorsaavigineqarniartut ilaatigut pisortanit pisartakkamikkut tapisiamikkulluunniit ajornerusumik atugaqalissasut. Tamanna siunertaanngimmat eqqarsaatigeqqittariaqarparput. Taamatummi iluseqartitsiniarutta utoqqalinersialinnut sipaarniarnertut isigineqartariaqarmat.


Nunarput innuttaqqortusiartortoq, aanaakkut aatakkut utoqqalinerminni qimannagu nunagiinnassallugu toqqagassaat pilersikkusupparput. Inuiaqtigiinnummi tamanna aningaasarsiornikkuinnaanngitsoq inuusaatitsigulli aamma iluaqutissaraarput.

Utoqqaat atugaat pitsaanerulersissallugit qineqqusaarutigiuannarunnaarlugu neriummik tunniussaqluta pitsanngorsaaniarput piffissanngorpoq. Utoqqaammi atugaannut tamakkiisumik isiginnilluni aaqqiisoqartariaqalermat.


Taamak ikinnerussuteqarluta oqaaseqarnitsigut innersuussutigaarput
Naalakkersuisut pingajussaaniinninnissamut; **Nunatsinni utoqqaat**
utoqqalinersiaqartut tunngaviusumik utoqqalinersiaasa
qaffaavigineqarnissaat anguniarlugu, kiisalu utoqqalinersiat
anigaasanngorlugit annertussusaat utoqqaallu atugaasa danskit nunaanni
utoqqalinersiaqartitsinermut annertussutsimikkut pitsaassutsimikkullu
naapertuuttunngortinnissaat siunertaralugu saqqummiussissasut.

Qulaani tunngavilersuutigut innersuullugittaaq immikkoortoq una
pingajussaaneerseqartigani ataatsimiitsitaliamukarteqqeqqaarneqassasoq
kissaatigaarput.

Taama oqaaseqarluni isumaliutissiisummilu allassimasunik paasinnilluni siunnersuut ataatsimiititaliamit aappassaaniigassanngortinneqarpoq.




Mala Høy Kúko
Siulittaasoq
Siumut



Stine Egede
Siulittaasup tullia
Inuit Ataqtigiit



Anna Wangenheim
Demokraatit



Aqqa Samuelsen
Inuit Ataqtigiit



Karl-Kristian Kruse
Siumut



Malene Vahl Rasmussen
Demokraatit



Mikivuk Thomassen
Inuit Ataqtigiit



Peqqissutsimut, Isumaginninnermut
Inatsisinillu Atuutsitsinnermut Naalakkersuisoq

Ulloq: 11-10-2019
J.nr.: 01.38.01.03-00116

UPA2019/144 utoqqalinersiat pillugit Inatsisartut inatsisissaannut tunngatillugu allakkatigut apeqquteqaat

UPA2019/144-p siullermeerneqarneranut atatillugu siunnersuut ataatsimiititaliami suliarineqartussanngorlugu innersuunneqarpoq. Tamatumunnga atatillugu siunnersuutip kingunerisassai, siunertaa paasineqarnissaata il.il. atatillugu apeqqutinik arlalinnik nassitsinissaq pissusissamisoortoq ataatsimiititaliaq isumaqarpoq.

Siunnersuut una, SIK aamma Sulisitsisut saniatigut kattuffinnut susassaqtunut arlaqtunut tusarniaassutigineqarsimagunangitsoq allarniutigalugu ataatsimiititaliamit maluginiarneqarpoq (tak. imm. 8 oqaaseqaatini nalinginnaasuni). Innuttaasut utoqqalinersiallit isertissinnaasaat qaffanneqarpata kattuffiit ilaasortaannut allanut ilaatigut inatsit aamma kinguneqassasoq naatsorsuutigineqartariaqassaaq.

1. Ilaatigut makkununnga tusarniaasoqarnissaanik Naalakkersuisut qinnuigineqarput: NPK, IMAK, ASG, PPK, aamma AK.
2. Inatsisip uuma allangortinneqarneratigut inuit allatut sulinerminni isertitaannit allanik isertitallit qanoq inissisimalersissavai? *Matumani pingaartumik eqqarsaatigineqarput aktianit, obligationinit allatulluunniit pensioninik pisartagallit imaluunniit kingornussarsianit il.il. iluanaaruteqartartut?*
3. Utoqqalinersiallit (nalinginnaasut aamma inuutissarsiutigalugu) angajoqqaarsiat tassa akissarsialinnut inatsisip allangortinneqarnera qanoq kinguneqassava?

Naalakkersuisut kalaallisut danskisullu akissuteqaatissaat ataatsimiititaliamit qilanaarinearput. Akissuteqaatip qarasaasiakkut uunga ina@ina.gl ataatsimiititaliallu allattaanut assilinera ukununnga lobd@inatsisartut.gl aamma mika@inatsisartut.gl nassiunneqarnissaa qinnutigineqarpoq.

Ilaqutariinnermut Peqqissutsimullu Ataatsimiititaliaq

sinnerlugu

inussiarnersumik inuulluaqqusillunga

Louise Bro Oaidson

f. Mala Høy Kúko

Ataatsimiititaliap siulittaasua



Ilaqutariinnermut Peqqissutsimullu Ataatsimiititaliap
 Inatsisartut

Utoqqalinersiaqarneq pillugu ataatsimiititaliap apeqqutaanut 11. oktober 2019-imeersunut akissutit.

15-10-2019
 Suliap normua 2018 - 12486
 Akt. id. 11849510

UKA2019/144-ip Utoqqalinersiaqarneq pillugu Inatsisartut inatsisaata allanngortinnissaa pillugu Inatsisartut inatsisaat nr. xx, xx. xxx 2019-imeersoq pillugu Ilaqutariinnermut Peqqissutsimullu Ataatsimiititaliap apeqqutaanut 11. oktober 2019-imi ullulerneqarsimasunut atatillugu ima oqaaseqaateqassaanga:

Postboks 260
 3900 Nuuk
 Tlf. (+299) 34 50 00
 Fax (+299) 34 66 66
 E-mail: iian@nanoq.gl
 www.naalakkersuisut.gl

1. Ilaatigut makkununga tusarniaasoqarnissaanik Naalakkersuisut qinnuigineqarput: NPK, IMAK, ASG, PPK aamma AK

Ulloq 14. oktober kattuffiit tusarniaavigineqarput akinissaannullu 18. oktober 2019 nal. 12 piffissaliunneqarluni. Akissutit tiguneqariarpata nassiunneqarumaarput.

2. Inatsisip uuma allanngortinneqarneratigut inuit allatut sulinerminni isertitaannit allanik isertitalit qanoq inissisimalersissava? Matumani pingaartumik eqqarsaatigineqarput aktianit, obligationinit allatulluunniit pensioninik pisartagallit imaluunniit kingornussarsianit il.il. iluanaaruteqartartut?

Maannakkorpiaq isertitat pineqarpata, taava apeqqutaanngilaq isertitat suminngaanniit pineqarsimanersut. Maannakkorpiaq isertitat tassaapput A-mik isertitat suugaluartulluunniit, B-mik isertitat, pensionisiat il.il. Inuit taakkuninnga isertitaqartartut taamaattumik inuit nalinginnarmik suliffeqarnermikkut isertitaqartartut assigalugit inissinneqartarput. Innuttaasut maannakkorpiaq isertitat naatsorsorneqarneranni ilaatinneqanngitsunik isertitalit inatsit maanna atuuttoq malillugu utoqqalinersiaat annikilliarortinneqassanngillat, aamma inatsisissatut siunnersuummi nutaami annikilliarortinneqassanngillat. Taamaammatt naliigimmik inissinneqarput.

3. Utoqqalinersiallit (nalinginnaasut aamma inuutissarsiutigalugu) angajoqqaarsiat tassa akissarsialinnut inatsisip allanngortinneqarnera qanoq kinguneqassava?

Utoqqalinersiallit ilaqutariittut paarsisartut paaqqinninnerisiutisartullu, iluaqutissanik taakkuninnga aamma iluaquserneqassapput.


Inuussutissarsiutigalugu ilaqutariittut paarsisartuq isumaqatigiissut atuuttoq malillugu paaqqinninnerisiutisitinneqartarpoq, taamaammallu sulinermik inuussutissarsiuteqartunut

allanut naligiissinneqartarluni, taamaalilluni utoqqalinersiat ilanngarneqartinnagit annertunerusumik akissarsiortoqarsinnaavoq.

Ilaqutariinnut paarsisartunut nalinginnarnut paaqqinninersiutit tunniunneqartatut maannakkorpiaq isertitat naatsorsorneqarnerini ilaatinneqarneq ajorput, taamaammallu malittarisassanut massakut atuuttunut imaluunniit malittarisassanut siunnersuutigineqartunut utoqqalinersiap annertussusaanut kinguneqarnatik. Ilaqutariit paarsisartut nalinginnaasut paaqqinninersiutinik qaffatanik pippata, taava ullumikkut qaffaatineqartoq utoqqalinersianut annikilliarortitsissutaassaaq. Siunnersuummi nutaami aamma paaqqinninersiutip qaffaataa annikilliarortitsissutaassaaq, kisianni una allaanerussutigissallugu, ilanngaatinut killigitat qaffannerisigut annikilliarortitsisarnermullu procentip apparnerisigut, ilaqutariinni paarsisartuni utoqqalinersianik annikilliarortitsineq annikinneerakasiussamat. Taamaattumik ilaqutariinnut paarsisartunut allannguut iluaqutaassaaq.

Neriuppunga apeqqutit taamaalillutik akineqartut.

Inussiarnersumik inuulluaqqusillunga,


Martha Abelsen



Bilag 3

Uunga
Ilaqutariinnut Peqqissutsimullu Ataatsimiititaliaq

**Utoqqalinersiaqarneq pillugu Inatsisartut inatsisaata allanngortinnissaa pillugu
Inatsisartut inatsisissaat – UKA2019/144 pillugu ilassutitut tusarniaareermermi
tusarniaasimanermut akissutit pillugit ataatsimiititaliamut akissutit.**

23-10-2019
Sullap normua 2018 - 12486
Akt. id. 11893182

Postboks 260
.3900 Nuuk
Tlf. (+299) 34 50 00
Fax (+299) 34 66 66
E-mail: lian@nanaq.gl
www.naalakkersuisut.gl

15. oktober 2019-imi ataatsimiititaliamut akissutinnut ilassutitut neriorsuutigisimasattut suliniaqatigiiffiit pingasut tusarniaanermut akissutaat maanna nassiuppata, taakku ataatsimiititaliap uannit ukununnga nassiuteqquai:

1. NPK

Nunatsinni Perorsaasut Kattuffiata NPK-p utoqqalineriutit allanngortinnissaanut siunnersuut taperserlugu nalunnarutigaa.

NPK-miik annertunerusumik oqaasissaqanngikkaluarluta, utoqqalernersianut allannguutissaq taperserparput, inunnik sullissineq pitsaasoq anguniakkatsinnut ilaammat, aammalu inuk nunatsinni aningaasatigut isaatitseqataasimasoq, utoqqalinerani massakkutut inuussutissaarutsinnissaa akuerinnginnatsigu.

Akissut:

Tusaatissatut tiguneqarpoq.

2. ASG

Utoqqalinersiaqarneq pillugu Inatsisartut inatsisaata allanngortinnissaa pillugu tusarniaavigineqarnitsinnut qujanarsuaq. Sulinngiffeqartoqarnera pissutigalugu ASG-mut ilaasortanut tusarniut nassiutinngilarput. Taamaattoq torersuunissaa pillugu oqaatigissavarput utoqqalinersiaqarneq pillugu Inatsisartut inatsisaata allanngortinnissaa pillugu oqaaseqaatissaqannginnatta.

Akissut:

Tusaatissatut tiguneqarpoq.

3. IMAK

Utoqqalinersiaqarneq pillugu Inatsisartut inatsisaata allanngortinnissaa IMAK-ip siulersuisuisa tapersersorpaat allamillu oqaaseqaatissaqaratik.

Akissut:

Tusaatissatut tiguneqarpoq.

Naak aamma tusarniaanermut piffissaliussaq sivitsorneqaraluartoq PPK aamma AK
tusarniaaqqinnermut akissuteqanngillat.

Tusarniaanermut akissutit tiguneqarnermissut isikkulerlutik ilanngussatut
ilanngunneqarput.

Inussiarnersumik inuulluaqqusillunga


Martha Abelsen